



UNIVERSITÄTS-
BIBLIOTHEK
PADERBORN

Corpus Juris Canonici

Gregor <XIII., Papst>

Coloniae Munatianæ, 1665

73 Illius hæc nobis formam distinctio præbet.

[urn:nbn:de:hbz:466:1-62915](https://nbn-resolving.org/urn:nbn:de:hbz:466:1-62915)

DISTINCTIO LXXIII.

Qualiter a vero commendatiua, vel dimissoria, seu formata epistola facienda sit, videndum est. Debent namq; litera Graeca interponi in ea epistola, & non sine causa. Graeca enim elementa literarum, numeris etiam exprimerent, nullus qui vel tenuiter Graeci sermonis notitiam habet, ignorat. Ne igitur in faciendis epistolis canonicis, quas nos Latini formatas vocat, aliqua fraus falsitatis temere praesumeretur, hoc a patribus oecumenicis. Nicaea congregati saluberrime inventum est, & constitutum, ut formata epistola hanc calculationis seu supputationis habeant rationem: id est, ut assumentur in supputationem prima Graeca elementa Patris, & Filii, & Spiritus Sancti, hoc est, π, υ, α: quae elementa octogenarium, & quadringentesimum, & primum significant numerum. Petri quoque Apostoli prima litera, id est, π, quae numerum octoginta significat: eius quoque, qui scribit, Episcopi d prima litera, cui scribitur, secunda litera; accipientis, tertia litera; circuli quoque, de qua scribitur, quarta, & indictionis, quaecumque est, illius c temporis, numerus assumatur. Atque ita his omnibus Graeci literis, quae, ut diximus, numeris exprimunt, in unum ductis, unum, quaecumque fuerit collecta, summam epistola teneat: hanc qui suscipit, omni cum cautela requirit expressit d. Addat praeterea separatim in epistola etiam nonagenarium, & novum numerum, qui secundum Graeca elementa significat, α, β, γ.

C. I. ¶ Exemplar formata epistola, quae in Nicaena synodo a cccxviii. Patribus facta est.

In nomine Patris. π. & Filii. υ. & Spiritus sancti. α. υ. VValterio Spirensi Episcopo. Ego Burchardus sanctae VVormaciensis ecclesiae devotus, gregis Christi famulus, in Deo vero summae felicitatis beatitudinem. Cum sancta catholica ecclesia prompta sit sequi documenta Evangelica s. quae dicunt. [Qui recipit prophetam in nomine prophetae, accipiet mercedem prophetae: & qui recipit iustum in nomine iusti, mercedem iusti accipiet, &c.] & Apostolus g jubeat hospitalitatem sectari, & necessitatibus sanctorum vitorum communicare, raspen propter eos, qui cauteriatam habent suam conscientiam, dicentes se esse simplices, cum sint astutia diabolica repleti; & pro opere pietatis dicunt se de loco ad locum transire, cum sint, sua malicia faciente, fugitivi, & dicunt se esse ministerio sacro infertos, cum non sint, statutum est a sanctis Patribus, neminem clericum alienum, & ignotum recipi ab aliquo Episcopo & inthronizari in sua ecclesia, nisi habeat a proprio Episcopo epistolam, quae in canonicis nominatur formata. Ideo notum facimus fraternitati h. vestrae, quod praesens frater noster harum literarum portator, nomine Hermannus i, non pro sua nequitia expulsus est a nobis, sed postulantibus fratribus, eo quod ex familia nostra fuit, & noster baptizatus, fecimus ei libertatem receptam in k cornu altaris canonicis, & ordinavimus eum ad gradum presbyterii. Cui etiam has dimissorias, sive commendatiuas literas facimus, & eum ad vestram dilectam fraternitatem dirigimus: ut in vestra parochia sub vestro sacro regimine, & defensione consistere valeat. Ego, inquam, Burchardus humilis Episcopus in nomine Patris l. & Filii, & Spiritus Sancti, & in unitate sanctae ecclesiae, in qua Petro datum est jus ligandi, atque solvendi, absolvo Hermannum presbyterum de civitate VVormaciensi indictione x. & licentiam do vobis inthronizandi eum in quacunque ecclesia vultis vestrae parochiae.

a Ex Attico ad finem concilii Chalcedonensis. Ansel. lib. 6. c. 127. Ivo p. 6. cap. 334. b al. epistolam. c al. id. d al. expressam. e Burch. l. 2. c. 227. Ivo part. 6. c. 434. simile quiddam multoq; magis, cap. 435. f Matt. 10. g Rom. 12. h al. paternitati. i Ecc. manus. j Burch. k al. u. l al. patris π. & filii υ. & Spiritus Sancti α. Ivo p. 6. c. 434. simile.

¶ Hanc ergo epistolam Graecis literis hinc inde munire decrevimus, & annulo nostrae ecclesiae firmare censuimus. Fraternitatem vestram Christus nobis incolumem conferret l. π. υ. α. π. β. ε. ζ. ε. α. β. γ. Data VVormaciae Idibus Martii, anno Dominicae incarnationis M. XII. Indictione X.

1 ¶ Conferret] In hoc & sequenti capite ea tacitum sunt commendata, quae exemplarium auxilio restitui poterant. Ceterum quae hoc loco sequuntur, etiam apud Burchardum sunt depravata. Facile autem restitui possunt ex regulis initio distinctionis traditis. Quibus quidem regulis optime respondet exemplum ab Ivone collectum p. 6. cap. 435. si litera in extremo 434. capituli posita, ponantur loco earum quae in ipso 435. afferuntur. Addita enim illis indictione, α. β. γ., restituit numerus ibi notatus, id est, 1361LXXVIII. Bene etiam procedit exemplum c. 434. si ubi nunc summa est 1139. sua 1439. satis sit locum indicasse.

C. II. ¶ Incipit epistola formata a cccxviii. Episcopis, & ab Attico 1 Constantiopolitana urbis Episcopo data.

Sanctissimo a in Christo fratri summa dulcedine charitatis amplectendo. A. illius civitatis Episcopo, v. illius ecclesiae praesul perpetuae beatitudinis optat in Christo salutem. π. υ. α. π. De cetero noverit sancta fraternitas vestra, quod iste clericus Hermannus nomine nostrae in parochia instructus, ac detonsus, parvitate nostram rogavit, quatenus illi commendatiuas literas conscriberemus, quibus vestrae celsitudini commendatus, sub tuitione vestri regiminis degere posset: cuius voluntati consentientes, secundum canonicam auctoritatem literas ei dimissorias dedimus, per quas & ipsi concedimus, ut sub vestro magisterio divinae servitutis insistent, sua deseruiat utilitati, & vobis licentiam tribuimus, ut, si dignum eum iud. a. averitis, ad sacros ordines promoveatis. Commendatum ergo eum cura vestra suscipite, & nostris ex partibus absolutum, in vestram ovium numerum custodite. Quas literas, ut vigore veritatis firmatae, indubitanter a vobis suscipiantur, literis Graecis, ut canonica docet auctoritas, confirmare saevimus. Sancta Trinitas vestram beatitudinem ad regimen sanctae vobis ecclesiae perpetualet bene valere concedat, apulo 2, vel sic. α. β. γ. quae eandem summam exprimitur, indictione X. Continet haec formata epistola summam numeri MCCCXV. b. Y. Graecam in nomine illius primam ponimus, quia Graeci eam in quibusdam locis pro, u, consonante ponunt, sicut est Δαβιδ & Δαβιδιον.

1 ¶ Ab Attico] Antea legebatur, abbatibus. Restitutum est locus ex conjectura (quod peritior factum est) quoniam evidenter ratione nitetur.

2 ¶ α. β. γ., vel sic. α. β. γ.] Addita sunt haec ex aliquo vetusti exemplaribus, & utrisque istis notis idem numerus nonagenarius nonus significatur. In codicibus vero impressis vel notaverat, vel dictio, Amen, Latine scripta, in qua nulla est numerus significatio.

DISTINCTIO LXXIV.

¶ Veritur de his, qui ab Episcopis suis promoveri c. 100. temunt, an invitati sint sublimandi, an non.

C. I. ¶ Annua suspensioni subiacet Episcopus, qui invitum ordinare praesumat.

De his ita statutum invenitur in concilio Aurelianensi III. cap. 7.

Episcopus, qui invitum, aut reclamantem praesumpserit ordinare, annuali poenitentiae subditus Missas facere non praesumat.

a Ansel. l. 6. c. 121. b al. MCCCXXV. c al. ordinari. C. II.

